

禽

虫

迷

閩中佩蘭子袁達德修學

佩蘭袁子曰盈天地之間唯萬物幹之以  
三五照之以日月經緯之以星辰變化之  
風雨露雷生生無極也故名物以萬萬盈  
數也于所見聞則常于所未見聞則恠聖  
者无有遠近幽深遂知來物賢者多識以  
畜德博學以成名自終軍識豹鼠而漢人  
始讀爾雅自東方生曉平方而漢人始讀

山海經甚哉博物之難自古然也昔夏后氏鑄鼎象物俾民知神姦故入川澤山林不逢不若周禮以土宜之法辨十有二土之名物以相民宅而知其利害以阜人民以蕃鳥獸此儒者格物之學非但以知物亦以理物也故曰智周萬物而道濟天下雖然達竊有志焉而未能也自甲午渡天塹又明年北走燕薊暇日覩禽蟲諸書不可殫述迺取諸其類者而比之作禽蟲述

凡若干言所愧不能如司馬子長博觀天下考覽古聖賢名蹟以充其識又不能如黃香得入東觀讀所未嘗見書徒守區區如醯鷄之微發其覆也夫曰述者述前人之言物有所於微而其名可識非敢自云爾耳博物君子其幸有以正之

蟲莫神於龍龍之鱗九九陽數也鯉為魚之主鯉之鱗六六陰數也有鱗曰蛟龍有翼曰應龍有角曰虬龍無角曰螭龍春分而登天秋分

而入川鳳火精也雌曰凰燕喙龜頸龍形麟翼  
魚尾六像九苞行鳴曰歸嬉止鳴曰提扶夜鳴  
曰善哉晨鳴曰賀世不食生蟲不履生草麒麟  
木精也牝曰麟麇居身牛尾狼項馬蹄黃色一  
角牡鳴曰遊聖牝鳴曰歸和夏鳴曰扶幼秋鳴  
曰養綏音中黃鐘行中規矩鸞一曰鷄趣體備  
五色聲中五音應頌聲而至集德與而鳴首翼  
赤曰丹鳳青曰羽翔白曰化翼玄曰陰翳黃曰  
土符十龜異名神靈攝寶文六龜異室天玄地  
筮山澤水火黃東青

點白南赤北守箸而咽食巢蓮而輕身騶虞貌  
首虎軀白質黑文食自死之肉不踐生藟有道  
則見非時不出獾象鼻犀目牛尾虎足寢其皮  
辟瘟圖其形辟邪豕肉兼十牛目不踰豕鼻爲  
口役望頭如尾馬一歲爲犂二歲爲駒八歲爲  
馱性健蹄圓而喜逆風起先前足臥先後足病  
則臥牛二歲曰牝三歲曰牝四歲曰牝性順蹄  
拆而喜順風起先後足臥先前足病則立豕腩  
生三月縱生六月一歲曰縱貳三歲曰豕豸剛

鬣而喜雨羊牝一歲曰牝牝三歲曰羝牡一歲  
曰牝牝三歲曰牝柔毛而畏露鶴七年小變十  
六年大變六十年變止千六百年形定舉則高  
至鳴則遠聞行必依洲嶼止必集林木鷹一歲  
曰黃二歲曰撫三歲曰青生於窟者好眠巢於  
木者常立雙散長起遲六翮短飛急螿蟻爲龍精  
而負馬迹二眠曰蟻再生曰蠃自成曰獨繭二  
以上曰同功蜂有君旋繞如衛垂芒而致螿蟻  
有義力舉等身銜土而時術鴉鳩均佳鳩孝雎

鷲而別鷲潔而序雝渠鷁有友悌之義鴻鴈有  
序序之儀雉性介交有時而別有倫獫狁性仁生  
相序而死相赴虎不食斑鷹不擊伏鶻有義燠  
鳥而見釋隼有準憫胎而不戮鷹祭鳥獺祭魚  
豺獾祭獸禮也象埋齒麝抉臍狝斷尾智也羔  
狐三德羔有角而不謗類死義者飲其母必跪類知禮  
者狐其色中和小蟬五德蟬頭上有綏文也  
前大後死則首丘雞五德含氣飲恩清也  
後不享薦也處不巢居倫也應笑守節信也鷄  
平頭戴冠文也足傳矩武也敬在前敢問勇也  
見食相告仁也守後之德靜以恒夜嘯而風月  
夜不失待信也



肅然王孫之德躁以踞所至而林木振響鷓聿

知天時鷗知風雲馳知泉脉獺知水潦運日鷓

知晏陰諧雌知雨猩猩知徃禱杙知來鶴水鳥

夜半水位故知夜半鷄巽象日將臨巽位故鳴

五更犬警司夜驢鳴應更蜂衙應潮鵲巢背歲

蛇盤向壬狐潛上伏燕避戊巳蝠忌庚申猫見

寅人而食子麀逢申日而過街狼識虎窠虎奮

衝破蛇曉方藥鴉善林晚狡兔三窟而免鼯鼠

五技而窮不能飛不能上屋不能緣不能窮不能游

先旨鷓行避草木恐觸其喙翟雉高避雨雪而  
惜其尾山鷄照水而自溺矜其彩也鮒魚冒網  
而不動護其鱗也鵲善相其地而累巢安則致  
其功用否則不累也鷓善相其天而吐綬樂則  
見其文彩否則不吐也鳳之所在鳥必飛以從  
虎之所在鹿必鳴以告鹿比其類而環角外嚮  
以自防牛衛其犢而環首外觸以角虎獲避害  
而營曲穴鷓護雛而徙低巢鷓鳩夜飛而銜葉  
以覆背羴羊夜宿而懸角以掛木虎食青泥而

解箭藥雉擦地黃以點鷹傷蚺冉蛇自見金瘡  
明無膽也雉雞自斷其尾憚為犧也鷹有奴而  
伺夜羊有頭而率群野豕擦松脂曳沙泥以禦  
矢猩猩餉酒着木履而推肥材祭方懶祭圓鴈  
銜蘆而捍網徂伐巧而搏矢四面網羅蠶蛛執  
豸而太巧兩部鼓吹蛙聒子以何喧黃蜂綴窠  
於屋而銜漆以固其帶桃蠹巢於葦苕而繫髮  
紕之以麻鷺木斷畫印開穴以出蠹而鼠竊之鴉  
步足轉石以出蛇而鶴如之鶴擇礫石統卵以

助暖營小池養魚以飼雛雀銜艾以爭燕巢螻  
擦茅以解蜂螫熊蟄舐掌而經冬不食其行也  
有館豹隱澤毛而十日不食其死也首山蠖吐  
絲而作室蜂釀蜜而成房羴羊戴草而自愛紅  
蠶結繭而自衣 鯉魚白而偃鯉魚赤而俯鯉  
魚玄而圓魴魚青而方魴性沈鯪性浮鱒好獨  
行鮒好旅行鰈似魴而弱鱗鱖似鱒而無鱗鱉  
忘似鱒而鼻在額上鱣似龍而口在頷下鯉不  
食類鮒不食釣鮓河眼能閉而無膽無腮蟬蟲

足而行而有鬚有粉鯉大鯛小者鮫奪鯉大鯪  
小者鮠吹沙望潮魚之細者跋扈吞舟魚之巨  
者文魚八帶鰻魚四足龍魚一角鹿魚二角鳶  
魚似鳶燕魚似燕鱗如鯉而雞足鱧如鯉而大  
首修辟如龜而白喙飛魚如豚而赤文陵魚手  
足人面而魚身鯨魚六足鯉身而馬尾冉遺蛇  
首而六足目如馬耳鰐鮓鳥首而聲音狀如覆  
鉢人魚滑魚皆四足也此魚何羅皆十身也諸  
魚欲產而鮑魚輒舐其腹大魚應死而印魚先

封之點額之鯉不可以化龍也失水之鯨鱣固  
將制於螻蟻也 浮莫如蛇與龜鼈通氣與文  
魚孔雀交與雉交生蜃螯莫如蛇麀食之攝龜  
食之鶴鷺鴟鴞食之蜈蚣喜食其眼巴蛇吞象  
蚺蛇吞鹿青蛇食塵蜈蚣食木蠹虺一身而兩  
口螭一首而兩身 鼠晝伏而夜動趾前四而  
後五性好弄鬚頰或藏食鼯禮鼠拱而立鼯鼠  
拱而舞行地中者鼯綠木上者鼯從鼯鼠豹首  
而虎文大於拳隱鼠赤曾而白毛大於牛 鴿

頸如癭鷺頸如瘤雀頭如顆蒜目如擘椒鸚鵡  
四趾齊分兩臉俱動羆熊舉木而引氣投地而  
撲臆蠅醜扇也成市於朝其足紋戴火負金懷  
蛆而逐臭景跡其巨者蚊白鳥也成市於昏其  
聲雷長喙細身啞膚而畏煙蚋其細者虺色如  
土小於蛇蝥拱光如漆小於蝗白象六牙蘆蠟  
五彩蜉蝣之衣楚楚螽斯之羽詵詵蠨蛸在戶  
伊威在室蠍虎寓於屋壁鱣淫魚游於衣書王  
鮪鮪岫居山漆水居蚨蜋湯穴居布網而有蓋

壁爾壁居結幕而如錢非龍懼震常逃古木之  
中巧鳥娛人不出樊籠之內春鋤鶯低昂於淺  
水土龍蚓歌吟於地中山鳥巖棲原鳥地處翳  
歲各據溪曲雉飛不越分域猿不踐土接臂而  
下飲蛙好懸樹歧尾而塞鼻螿斛天螻汗  
天雞鳴立天狗鷄止天鷓鴣山鵲鷓鴣山烏鶴山  
雉塵山牛比目之魚曰鱧比翼之鳥曰鷦柔爲  
竊脂曰青雀曲觜食肉好盜脂膏也鴉鷄剖葦  
曰蘆虎青斑長尾好剖葦皮也莎鷄一名絡緯



其鳴如紡緯也促織一名投機其聲如急織也

鵬背負青天扶搖九萬里尺鴟下翔蓬蒿騰躍數仞武陽之魚一斤千頭北溟之魚身橫千里焦須之蟲巢於蚊睫蠻觸之國戰於蝸角蚘子之下有蟻子蟻子之下有浮塵子 蝮蛇飽毒齧草木而盡死子規啼血灑樹枝而皆紅鷲鳥下擊翅先左側翫知菴布網絲從右繞狼駝之糞煙直窺鴉之溺石透鳥雀之尾有脂引背塗翅毛而雨不濡鷓鴣之喙有鈎抱卵得人氣

而雖易馴龍有欲而可泰蚓無心而何求率然  
之勢擊而必應百足之蟲死而不僵 胎生者  
眼胞自上而瞑卵生者眼胞自下而瞑濕生者  
眼無胞化生者眼無竅蟻無目蟒圖目鷄旋目  
鳩方目鵠以睛交蛇以眼聽魚目不瞑雞好邪  
視龍不見石魚不見水雀夕瞽鷓書盲猫睛當  
午歛縱如線鴉目遇夜明察毫末馬夜行其目  
光所照三丈虎夜行一目放光一目看物鶴以  
怨望鷓以貪顧雞以真睨鴨以怒蹟雀以猜瞿

燕以狂眈視皆麋四目其目下二竅爲夜目犀三

角其鼻上一角爲食角無角者膏而無前肥從前起

有角者脂而無後肥從後起長角謂之牝無角謂

之牝牛無角曰犗角一俯一仰曰箭羊無角曰

羴角一長一短曰觥郊社之牛角崩栗宗廟之

牛角握賓客之牛角尺角觶蒼色毛踈而浮水

者曰水牛角直黃色短項而有胡者曰黃牛天

祿如鹿一角兩角者辟邪驕胡如馬一角不角

者騏驎如羊兩角一角者蒙蝮蝮二角蝸牛四

角獬廌一角識罪而觸邪角端一角能言而惡  
殺駢馬牛尾其角一盡雕豹狀其角二權疏如  
馬而一角土螻如羊而四角驪如麕四角而馬  
尾悶如驢岐蹄而麕角爭如赤豹五尾而一角  
微狃如牛白身而四角 五采而多赤色者鳳  
多黃者鷩雛多青者鸞多紫者鸞首有彩毛  
曰山雞頸有彩囊曰避株背有彩羽曰翡翠腹  
有彩文曰錦雞鷩鳥之善搏者曰鷩鷩玄曰鷩  
色淺鷩曰鷩鷩蒼黃曰鷩鷩骨曰鷩鷩曰鷩鷩  
黑鷩鷩曰鷩鷩二歲色鷩骨曰鷩鷩曰鷩鷩

曰鷓鴣趨奪曰鴉如鷓鴣而小黃質黑章者虎竊  
毛者靛拔毛白者魁含黑者醜育虎經食人其  
耳有缺虎變爲人其足無踵純黑而返哺者烏  
也雅烏腹白燕烏脰白皆不能返哺者也叩氣  
吠以守者犬也長喙狹短喙獨狹皆田犬也龍  
犬四尺曰獒逐虎之犬曰狝地中得犬曰地狼  
掘地得犬曰賈在草澤者螻螻蜥蜴在屋壁者  
蝮蜥守宮長細五色者名蜥蜴短大者名螻螻  
蟾蟾皮多瘕磊腹大而跳行舒遲蝦蟆背有黑

點身小而跳接百蟲在水者電猛在巖者石鱗  
蒼蠅之聲椎壯青蠅之聲清恬越燕胃紫而聲  
小胡燕曾斑而聲大刺端分兩岐者曰蝟如棘  
針者曰蛭虎鄉虎而角能行水中蝻蠖而神能  
興風雨蠓桑螵蠶蜀葵蠶食苗心螟食葉蠟食節  
賊食根蠹甲珠在背可以飾刀者曰鮫鼻前有  
橫骨如斤者曰鱠鰓口腹俱大者曰鱧背青口  
小者曰鮎鰭首小曰踰水次曰春來狐口銳而  
尾大狸口方而身文長尾曰蠆短尾曰蠆大曰

蟲小曰蠶脩曰虺蒲圓曰蝮貝陸曰賁水曰蝮  
大曰魴小曰鱖羅小者蝮蜃小者玳瑁 鷺  
似鳳馱似鳧鵠似雉鴛似梟蝟似蝦蟇似鼈蝟  
似鼠獨似後驅似狸贊似犬犀似豕貔似虎豺  
似狐獠如羊兕如牛猛氏如熊谿邊如狗桃拔  
如鹿靈貓如麝蝮犬如犬音狗如菟鷓雞如  
鶴鷓雞如雉鷓雞如雞鷓雞如鷓工白鷺如鷹  
屬王如鳧思歸如鳩木客如鵲奇嵐如鳥姑斯  
如螿猶如鹿善登木驪如馬善陞麤 羌鷺赤

身五色皆備世樂赤首五色有冠騶虞白虎而  
黑章渥洼文臂而牛尾鴟如翠而赤喙黃鳥如  
梟而白首象蛇如鳴雉而五采雞那如默鼠而  
文題葱鬣如羊而赤鬣孟槐如貍九而赤豪拗  
么如豹而文首天狗如狸而白首馭駮赤首鵠  
鷲白文皆類鳥也犀渠蒼身那父白尾皆類牛  
也豪如豚白毛而黑端蛇如龜白身而赤首鷓  
脂如鴉赤身而白首鵠鷓如鳥五采而赤文鷓  
么如鳧青身朱目而尾赤鵠如雉文首白翼而



足黃鷓如鵲白首赤尾而六足徃徃如禺白耳  
伏行而人走鹿蜀如馬白首赤尾而豹文獨徃  
如狼其首赤鼠目而豚音旣祈雀如雞其首白  
鼠足而虎爪黑文赤翁者襟黃身赤喙者肥遺  
皆類鷓也赤喙長尾者領鷄黑身赤足者鳩形  
渠皆類山雞也蒼黑而大目者擊赤尾而鬚頭  
者領胡皆類牛也白首青身而足黃者鷓鷃文  
首白喙而赤足者精衛皆類鳥也青身而目喙  
皆白者青耕白身而目喙皆赤者嬰勺皆類鵲

也狒狒如人濯濯如鳩肫肫如狸而有鬣猢猻  
如豚而有珠黑獸如熊曰猎猎素獸如馬曰蛩  
蛩青獸如虎曰羅羅三青獸相并曰雙雙毗狸  
如大而短足如小熊而黃毛符拔如麟而無角如黃鼠而無目鴝如鴿而  
鼠脚精精如牛而馬尾娑胡如麋而魚目破鏡  
如狸而虎眼庸渠如鳧而雞足秦吉了如鴝鴖  
而人耳猛豹如熊而澤毛舐食銅鐵虎鷹如牛  
而廣翼飛捕虎豹 鸚如鵬一首而三身謹如  
狸一目而三尾馱鳥如象三目而有耳跣踢如

獸三首而有角瞿如鴉一首而三面鷗壘如鵲  
兩首而四足鷓鴣休乎如鷄三首而六足屏蓬  
之獸左右有首并封之羸前後有首 鱗如牛  
而羸音鮮如鼈而羊音龍蜥類羸首角而音號  
居豈類彙毛赤而音豚赤鱈魚形而人面音如  
鴛鴦旋龜鳥首而虺尾音如判木諸懷如牛人  
目羸耳而四角音如鴻鴈夔如牛蒼色一足而  
無角聲如霹靂長蛇百尋而錐毛聲如振鼓蠻  
蠻鼠身而鼈首羸虎狀而牛尾皆音如吠犬也

鮫魚身而犬首馬腹人面而虎身皆音如嬰兒也  
鱗如犬虎爪而善奮山膏如豚火色而善  
呿齧如禺長臂而善投舉父如禺文臂而善投  
文文如蜂枝尾反舌而善呼孟極如豹白身文  
題而善伏幽鷁如禺文身善笑見人則臥天馬  
如犬白身黑頭見人則飛竦斯人面見人則躍  
其狀如雌雉也山猓人面見人則笑其形如犬  
也擣扞如虎長三尺口徑猓如狗皆人面也  
鶉鳩如鶉數斯如鷓皆人足也水君人形象魚

導從之人馬皆鱗甲也厭火彌形而色黑火出  
口中行坐皆如人也 狝傳訑施如羊九尾四  
耳而目在背上狍鴉御饜饜如羊人面虎齒而  
目在腋下鰓如鵠十翼而鱗在羽端辣如羊一  
角而一目在耳後覆如鹿白色四角前人足而  
後馬蹄蜚如牛白首一目行水涸而行草枯欽  
原如蜂大如鴛鴦螫鳥獸則死木則枯 鷲鷲  
如鳥而人面宵飛而晝伏索蜚如梟而人面足一  
冬見而夏蟄鱧如牛而蛇尾陵居而冬死滑襄

悵如人而彘鬣穴居而冬蟄 琴蟲蛇首而獸  
身鰩父魚首而彘身在子人首而鼈身海蠻師  
虎首而魚身覩人窮竒牛狀馬尾而犬聲食必  
妖而煦妖邪者窳窳人面蛇身而龍首孰湖人面馬身  
鳥翼而蛇尾獨俗虎形犬首馬尾而彘鬣飛廉  
鹿身頭如雀而蛇尾豹文仇獮兔身喙如鳥而  
蛇尾鸛目嚶如如鹿四角白尾人手而馬足足  
訾如禺文臂有鬣牛尾而馬蹄諸犍如豹一目  
長尾人首而牛耳 後臂通肩龜腸屬首象口

隱於頤虎腎懸於腹龜甲裏肉鼈肉裏甲 虎  
頭高峙豨頭尖銳鹿頭側長犀頭高廣狼腸直  
羊腸曲螺形銳蚌形刻蛟眉連蝮鼻反鼻陽踵  
反 鳥之中鶉無舌魚之中鱧有舌鸚鵡人舌  
摩其背而瘖鸛鶴足交剪其舌而言 魚無耳  
蟬無口馬無膽獺無髓羊無神蚓無筋泥無骨  
猴兔無脾蠶蠅螢無胃猯拂無尾蠊蟆無腸蛤蜊  
無臟鰓風無尾蝘蟻無鼻鳥無胃柿虎無小腸  
豹無前足牛羊之齒有下而無上鶉之指有前

而無後牛目有豎瞳而無橫瞳故見物輒長羸  
股有鎖骨故不能滋息大骨若白而小骨  
頭故不鶴以喙鳴畫以脰鳴大以胃鳴小以胃  
鳴大以股鳴小發皇中蟲大如虎豆綠色以羽異鳴龍以角  
聽牛以鼻聽蜂蝶之屬以須當鼻蛇牙之屬以  
腹當足蟬蛭調膀鳴響於口螿螬背行駛於脚  
丹熏之山耳鼠以尾飛天池之山飛兔以背飛  
中土有枳首之蛇西方有共命之鳥康居之  
雞尾長五尺東夷之羊尾重十斤海鳥毛長三



丈峽蝶翅濶四尺雕陵之鵲翼七尺條支之雀  
卵如甕鷄雞之尾六尺海蝦之鬚四尺八尺馬  
之龍也一角羊之龍也四距重翼雞之龍也騶  
虞尾長於身啄木舌長於喙後狔子尾大於  
斗鷓鴣澤胡大於囊 雉交不再雀交不一鵲  
傳枝烏茹洙鷺自成而受胎鶴影接而懷卵龜  
龜相顧神交也鶴鶴相唳氣交也蜣螂丸成而  
精思之而有蜣白者存丸中俄去殼而蟬螺羸  
負螟蛉而祝之曰類我七日而化螻蛇以聽白

鵠以視龍卵生而風化虱氣化而卵生蝦蟇聲  
抱鴛鴦頸交鯊魚胎生玄鶴胎化雀浴沙而受  
卵盤隔津而望卵鰻以影漫鱧而子附其鬚鶻  
寄巢生子而鳥爲之哺龜兔望月孕子而口出  
科斗聞雷脫尾而脚生蛟龍水居而卵剖於陵  
鳩鵲巢木而子生於穴蝮蛇生坼副母腹寒蛭  
生坼裂母背鮫魚之子驚入母腹鵲鷦之子飛  
銜母翼雀四時有子鷓逐月有子鰲將生子呼  
母應雛旣生母呼子應厨飛蟻其子蚺蜀大雞



惟曰鯨雌曰鯢鶉雄曰鵠牝曰痺鵠惟曰運日  
雌曰陰諧馬牡曰騶牝曰麇鴛雄者斑雌者褐  
鵝雄者黑雌者黃雄赤爲翡雌青爲翠雄鳴曰  
鶯雌鳴曰鴛雄鳴不鳴牝蟬不啞鴿雌乘雄鶯  
雌負雄鳩鴛雌前而雄後舒鴈雄呼而雌和  
孤不二雄麇當十牝鷲爲雄小而雌大庶鳥雄  
大而雌小鳥之雄鷲於雌獸之牝猛於牡雄兔  
脚撲速雌兔眼迷雌龍角昂峭目深鼻鬚尖  
鱗密上壯下殺朱火燁燁雌者角靡鼻直目圓

鱗薄尾壯於腹鰲黃之雌雄相儷蛤蚧之雌雄  
相隨兔雖望月而孕其實雌舐雄毛孔雖聞雷  
而孕其實雌接雄影鴛鴦之雌雄相匹得其一  
則其一思而死青蚨之母子相隨藏其一則其  
一飛而至 鱗與魚游貉與豕穴徧以後爲婦  
龜以鼈爲雄烏鼠之相爲雌雄塵蛾之相爲牝  
牡麋與鹿交魚與蜴交驢交馬而騾生馬交驢  
而馱馱生牛交驢而騎馱生驢交牛而馱駒生  
馬感於龍而生驥牛感於龍而生麟夏雀生鷓

挑蟲化鵠鵠生三子一為鷓鴣生三子一為鶴  
鳩生三子一為鴉虎生三子一為豹 驛驃作  
駒已汗血駃騠生三日而超其母虎豹之駒雖  
未成文而氣已食牛鳳雛出殼雖未能翔于千  
仞竟是真鳳阜鵬二卵殼成乃一鵬一狗獵則  
鵬戾天而狗走陸 蟻結腹蠃蠃不歸而蟻結  
敗水母目蝦蝦驚而水母沈岨虛壓鼠相須以  
生草蟲阜螽相感以化為鼠同穴鼠在內而鳥  
在外相為牝牡鳥曰餘而鼠曰罷鷓鴣吐蟲

曰蝨母螻蛄銜草傳蛇之傷曰蛇醫周周銜蟲  
之翼而飲河寄居爲螻之奴而求食魚出水而  
鼈神守之蟻爲蛭而鸛喜鳴之虎虵遊於林澤  
而鳶鷂號之以其蓄異心也牛豕牧於田圃而  
烏鵲乘之以其無異心也牛有黃犬有寶龍  
有尺木頭上有物如薄山名尺木龍無尺木不能升天虎有威骨狐有  
媚珠兔有建毛靛底孔雀尾端一寸名珠尾鶴  
左右脚裏第一指名兵瓜蛆螢之腹含火而自  
耀水麝之臍囊水而自香鷺有勝塘有冠獬

有匡范蜂有綏鷓鴣有憤吐綬有角肉秦吉了  
有黃肉冠 鳳肉味鱗肉角麋肉蹄鼈肉翼鷹  
毛角貝錦背鳩繡項蝶粉翅螳斧臂蠊石眼鱉  
骨眼在背魚石腦在首蛟肉環在尾駝肉鞍在  
背 龍馬翼在骼鯨翼在膊乘黃角在背蜉游  
蝓蜚翅在甲下 悲翳蛭四翼雄虺九首神龜  
六目能鼈三足蠊八跪二敖其行橫蜻蜉六足  
四翼其飛停兩足之美有鷓四足之美有鹿鳥  
鰈八足懷板而含墨軼上三足角弩而氣矢商



羊一足兩則舞遊女九首夜則飛 犀三蹄麟  
五蹄駝足四節蠍尾七節旄馬足有四節烏蛇  
背有三脊鱗殼有深鱗脂色十二點玳瑁之甲  
十有三片 帶無足鵠一足獾三足物從從六  
足如鼈龜八足鱉十二足海月三十足螭蛆四  
十足馬螭百足三足之蟾氣中人四足之蠚毒  
中人 河豚以三爲部鯢歸以三爲率鷄崇朝  
而三唱羊一歲而三生虎之搏物勢止三躍鼠  
之易腸月則三吐舊說巫峽之後三聲而斷腸

益州之蠶三熟而充貢龜卵如鷄子一產三百  
數九瓣取土作丸三百而潮至 龍善變龜善  
藏鸞善歌鳳善舞鷗善浮鳧善沒鵠善步隼善  
翔雉善聽鳥善抄鷹善揚鸚善時鼃善怒螳善  
鬪蝮蝥善負猱善緣驢善旋獵父善顧豺貉善  
睡狐善濡尾然善理髯犴胡犬善守兕野牛善  
舐虎善擬其前狼善顧其後 羊性淫而狼豬  
性卑而率鷲性頑而傲狗性險而出鷄性淳不  
越橫草鳩性拙居鵲成巢鵲性驚而喜山麋性

迷而喜澤鹿性警而喜林鴛鴦野則義豢則搏  
水鷺澤則羣擾則逐蟹鼠前而光後趨則頓走  
則顛蝸蚰形而螺殼驚則縮行則出 驛馬喜  
前駑馬喜後塵喜聲音塵喜文采鳥喜閒曠鵲  
喜稠鬧龍愛空青珠玉燒燕肉鳳飲砥柱端棲  
梧食竹實鷹食薦鷓食草犀食荆棘蛇食茱萸  
鰻鱧緣樹食藤花神龜緣樹食鳴蟬蛟食犀角  
蜃食燕子模駝鷄食銅鐵鴝鳧食砂石 鐵  
味辛害目魚龍護目故畏鐵觸旱龍以生鐵蒿菜有毒

蛇虺誤觸之而目瞑蠹碎於芸虺蟲生於蒿卽且  
畏海苔龜龜畏薑芥可昌羊去蚤虱而來蛉窮蛟  
龍畏棟葉而鳳皇食其實白兔食茵陳而仙駝  
驢食菴閭子而仙鳩食桑甚則醉鴉食桑甚則  
變其音蠶食礬石則肥鼠食礬石則死馬食粟  
則足重不能行鴈食粟則翼重不能飛魚食巴  
菽則死鼠食巴菽三年重三十斤 蟻蟻處氣  
之所蒸而霜雪不積麝剔膻落處香之所觸而  
草木皆焦鮭魚塗樹立致焦枯而灌以大膽菜

盛如故鳥獸飲鴆之水皆死而醮以犀角可使  
無毒斷絃折劍塗鸞血而復連涸海焦川投游  
波燕而卽汎 孚乳者鼈以夏蚌以秋鷄二十  
日而化鷺三十日而化胎生者犬三月 貓二月 鼠四月  
後兔五月鹿六月虎七月馬十二月象三歲行  
生咀爵者九竅而胎生獨兔雌雄八竅而口吐  
蜉蝣三日蠶二十七日蟬三十日螻蛄不知  
春秋鼠壽三百猿猴八百狐鯉鹿各千鶴二千  
龜三千六百燕千年生胡髯龜千年解人言虎

千年牙蛻而角生蟾蠩千年頭上有角頷下有  
丹書八字千歲樹精爲青羊萬歲樹精爲青牛  
百歲狐精爲美女百歲蝙蝠爲仙鼠 卻行蟻  
屬女行螿屬連行魚屬紆行蛇屬鳩行有序進  
有漸鶴鴿飛則鳴行則搖象行先以鼻柱地鸚  
鵡行先以口啄地駑駘日行百里犛牛犛牛索  
馳馳鳥三百里後猓野馬五百里風脚駝七百  
里鸚鷄八百里騏驎駒虞十里角端一萬八十  
里飛虎馳三萬里 麋跡躔鹿跡遠麇跡解兔

跡迹剛豕跡刻狐跡瓜鈕鵠鵠醜其飛鵠鵠鵠上

下下鳶鳥醜其飛翔翔鷹隼醜其飛擊擊擊疾息

鴈之飛其踵企鳥鵠之飛其掌縮驚醜其足蹠

指間雉醜其趾疏無無星散為麟五衡散為

龜瑤光散為象鹿斗星散為犬彘樞精為虎地

精為馬跋鳥棲於日中顧兔居於月腹墟移移喻

入三十六禽營室天蠶入二十八宿自癸八度至危十六

度日次暹之肉十二少具蜴之色十二時變象

肉配十二辰膽不附肝隨月轉在諸肉鱈膽春

夏近下秋冬近上熊膽春在首夏在腹秋在左  
足冬在右足蚺膽隨日轉上旬近頭中旬在心  
下旬近尾 玄鳥以春分來秋分去伯趙以夏  
至鳴冬至止倉庚以立春鳴立夏止鷺雉以立  
秋來立冬去宵鷹司夜行鷹主晝兔尾歲生一  
竅瀨肝月生一葉科斗大盡生前兩足小盡生  
後兩足馬驢之駒月初生者行先母月中生者  
行並母月後生者行隨母鼃鳴應更如初更一  
鳴而止鷓鴣飛數隨月若正月一飛而止 鷺



伏隨日朝首東而暮西鴈性隨陽秋賓南而暮  
北鵲立順風而東向鷓乘逆氣而退飛鳥翅重  
於將雨蚊喙破於既秋鳶朝鳴而大風鳩暮鳴  
而小雨月虛而魚腦咸雪盛而蝗子沈驥步同  
日雀化應風神蚪躍而知將雨山獐見而占大  
風冷蛇却炎暑而不蟄冰蠶覆霜雪而成繭鴻  
鴈愛力遇風迅舉孔雀愛尾遇雨高止麀皮度  
水則緊屨灰沃水則燃蛤蜊候風雨能以其殼  
飛鳥鱗遇風波能以其鱗耐霜傳彊枝鳥以武

生者少雪封枯原鳥以文死者多蠓蟻兩生布  
陽則死蝸牛濕生升高而粘 鳥鳴春蟲鳴秋  
獨鳴曉驢鳴夜螻蛄鳴於朝寒蟹鳴於夕林鳥  
朝朝水鳥夜夜鶴仰鳴晴俯鳴陰鳩雄鳴晴雌  
鳴陰鷄見同類拊翼鳴鷓見異類差翅鳴狼作  
聲而諸竅皆沸訓狐鳴而後竅應之鴛以喜轉  
鳥以悲啼鳶以飢鳴鶴以絮唳梟以凶叫鴉以  
愁嘯鸞鳴如鈴巒巒然龍吟若戛銅器牛之聲  
曰牟羊之聲曰芊 米 駝之聲曰陘 馬孔雀之聲



姑惡鳥簪我鳥脫勝鳥者喚起鳥催歸鳥見誅  
於韓遜之蘄州也鳥惡聞於王元之 羆畏虎  
虎畏羆蒲牢畏鯨鰻畏蚊獨一鳴而後散器  
一鳴而鼈伏鹿食羶麝食虺鸚食雀鴉食鷄鶻  
食猥猥食鷄鷄食駮駮馬鋸牙食虎豹鷄  
鷄柁尾食短狐火木反食母猴螢食蚊蚋獾食  
父梟食母伯勞六月食父七月食母顛當掩蠅  
度古掩蚓鶻以拳擊鳩鴿而下承之鯉以尾擊  
人畜而就取之鷺偃絲而窺魚鷹弭角而搏鳥

螳螂執葉自翳以捕蟬鳥鱖仰腹自浮而致烏  
蠅虎匿形挫股而搏蠅漫盡鳥以涸盡水而致  
魚穿山甲張甲致螳而浮食之水面信天緣開  
口待魚終疑立於一處象伏於鼠牛死於鼯  
駕鷲攫於海青海青撲於燕蝟使虎申蛇令豹  
止窮鼠齧狸群豺窘虎蚌蝸擁敖而鬪虎伏雌  
奮翼而搏人烏力勝日而服於雛後貌猶食虎  
豹而伏於狸卽且以氣禁蛇蝸牛以迺規蝸  
鷲鳥中鵝糞而毛脫蝮蛇入鵝口而肉爛淘河

在岸則魚沒沸河在岸則魚沸有三物相值而  
莫敢先動者蛇蝦蟇蜈蚣也有三物相害而不  
顧其後者蟬螳螂黃雀也有二物生死相報復  
者鷄嗜蜈蚣而鷄死蜈蚣輒入腹噬之不置鼈  
被蚊最無不立斃而燕籠甲以辟蚊蚊即避去  
不去無能生存者 龍易骨蛇易皮蟬易殼象  
退齒蟬退殼犀退角鹿角退香夏至鹿角解而應  
陰冬至麋角解而應陽雉火畜也感於陽而有  
聲先鳴而後鼓翼鷄木畜也麗於陽而後有形

先鼓翼而後鳴融風至而魚上冰涼氣肅而蟲  
坏戶蟻蟻鳴於孟夏蜻蛉蜻蛉鳴於立秋霜降  
五日而鴻鴈來寒露五日而候鴈來小暑至而  
反舌無聲白露降而鳴鶴相警仲春鷹化為鳩  
而之仁仲秋鴛鴦化為鼠而反始猶鼻夏至而氣  
暖鵲頭七夕而毛落立夏黃口之尚穉而鷹隼  
不復施其鷙處暑蟲維之既多而馬牛不能掉  
其尾倉庚鳴而蟄蟲生鷓鴣鳴而芳歇布穀鳴而  
農事舉促織鳴而懶婦驚 龍乘雲鳳乘風鶴

好霜鷺畏露犬喜雪燕惡濕花湧而江風虎嘯  
而谷風麒麟鬪而日食鯨魚死而葦出鮪出犇  
穴日光眩其目鯉過河津雷火燒其尾鱧首戴  
星夜嚮北斗狐首戴髑夜禮北斗蠓蠖以磴春  
爲風雨魚龍以春秋爲晝夜七月涼風至寒蟬  
感而能鳴十一月地雷動野雉聽而先雉貂皮  
之毛得風則暖象牙之文應雷而生醯鷄發覆  
而知天之坎蠱坐井而視天之小蚌胎之珠  
得月而盛牛魚之毛應潮而起神牛鬪而海沸



榮犀游而水開蠶弭絲而商絃絕鯨入穴而海  
水潮吳牛喘月蜀犬吠日代馬思北風越鳥巢  
南枝鷓鴣飛先南翥謝豹杜鵑啼苦倒懸曰謝豹啼常北  
嚮背明鳥棲木性不向明龜蛇伏氣首皆向東  
夏蟲不可以語冰篤於時也夏蟲不可以語秋  
拘於味也 鵲梁螳葉可以蔽形鷓尾赤驚可  
以攘火緇虎頭骨於龍湫可以致雨瘞龜板於  
棗根可以召雷口含蟪蛄之氣而生火背灑虻  
蚓之土而起霧塗青蚨而還錢埋蜻蛉而變珠

囊鴻之毛可浮江波燃犀之角可照水恠服翼  
之血滴眼見夜中物蒼鷹之精注眼見碧霄中  
物食象胃之橫小骨能令善浮塗足以丹魚之  
血可行水上 土乾生蚤地濕生蚊積穀生蠹  
腐肉生蛆喘燠之蟲多蛾生也翹蛸之物多水  
蟲生也 鳳死曰靡鸞死曰叱羽鳥曰降四足  
曰漬狐死正首丘虎死不仆地熊死於塗獺死  
於酒醢死於光鱉死於隙光死蠅生於灰死  
瘋生於風神蛇能斷而復續馬蚊中斷而首尾

各行鱣魚斬其頭而乾之去齒而更生如此者  
三屠龜解其肌肉惟腸連其頭而經日不死

羽蟲之蟄者燕鶯也毛蟲之蟄者能黃鼠也鱗

蟲之蟄者龍蛇也介蟲之蟄者龜鼈也龍噓

氣成雲蜃噓氣成樓臺蠃蚘噴水為雷海鱉吐

沫為霧雷煥之劍化龍而躍於津陶侃之梭

化龍而起於辟衛瓘之甌飯化螺鄭注之篋藥

化蠅晉陽之竈生蛙范萊蕪之釜生魚隋煬

造舟之夫久立於水腰以下咸生蛆李晟靖難

之軍久暴於外而鎧甲生蟻蟲 伊洛而南素  
質五采皆備成章曰翬江淮而南青質五采皆  
備成章曰鷩南方曰鴈備東方曰鷩北方曰鵠  
西方曰鷩皆中央翬雉之類也東方曰發明南  
方曰焦明西方曰鵠鷩北方曰幽昌皆中央鳳  
皇之類也北曰鷹南曰鷩鴈以水言自北而  
南鵠亦以山言自南而北杜鵑江介曰子規蜀  
右曰杜宇鷩鷩晉安曰懷南江左曰逐隱 鳳  
生丹穴鸞生女牀孔生南海鷩生景山鷩生鬱

林鴉生關西鶴生崇吾山比翼生三嵎鸚鵡生  
隴西秦吉了生秦中倒掛生嶺南海東青生遼  
東鰲魚出西秦象出交趾狔出西域獬豸氏  
出蜀中嘉魚出於丙穴越王鳥出於肇慶三足  
鼈出於從山三足龜出於大韭 流水之魚背  
鱗白而味美止水之魚背鱗黑而味惡鹹產者  
不入於江淡產者不入於海江南以東羊白而  
豕黑江南以西羊黑而豕白獬產於濟鄆者緝  
紫產於江浙者青白鰲產於廣者蹄輕產於蜀

者蹄重 貉不踰汶狐不渡江鶴鴒不踰濟蜀  
無兔鴿江南無狼馬朱提以南無鳩鵲江懈至  
潯陽則少鮪魚至鴨爛磯則少條魚惟城陵磯  
終至後則有之 鳩辨鵲故曰班非次序也哺子  
吓鳥反哺故曰慈馬如練布故曰匹雀依箬隙  
故曰瓦鳳總衆鳥者也故曰凡鴨呼其名者也  
故曰甲鴉以音名鳥以色名鳥以音名玄以色  
名鵲黑白錯鵲黑白間鳥或曰白頭狸或曰玉  
面眉白白盡背黃白蠟 鳳骨黑蛟骨青鷹膽

白鱧膽甘鱉血碧鱖血玄魚勞則尾赤鶴立則  
尾黑龍肉漬醢而生文章蝸涎書壁而成銀迹  
守宮赤點入體偶則落飛頭紅痕匝項夜則飛  
龍血玄黃戰於乾坤蠅色青蒼辨於風雅 螢  
曰丹鳥鶴曰白鳥烏曰玄鳥鴈曰朱鳥科斗曰  
玄魚蜻蛉曰絳駒鷹色隨樹蠋色隨葉茅兔必  
赤桂蠹自香虱處頭而黑鴉食虺而毒 食水  
者耐寒而苦浮食土者無心而不慧食木者多  
慧而不 食石者肥澤而不老食草者善走而

愚食柔者有緒而蛾食肉者勇而悍食氣者神明而壽龍食於清游於清龜食於清游於濁魚食於濁游於清蟬飲而不食蠶食而不飲蜉蝣不飲不食鳩不嗜食魚不咽水鶴鳩飲水數斗而不足鱣鮪入口若露而死麀飲水駭影輒奔犀兕影常飲濁水鼯鼠飲河不過滿腹鷓鴣栖息不過一枝烏向啼而背棲燕背飛而向宿鷗必匹飛鷗必單棲駝臥地而腹不帖鷺步水而足常感 螢火耀於宵龍火熾於水畢方一足



銜火燒屋狐尾九節擊石出火象畏燧而奔蛾  
赴燈而斃鼠先火而徙蠓墜光而趨火龜游焰  
飛鼯食煙風生獸積薪而不燃鴉鳥啄樹而出  
火禍斗如犬食火而遼燬却火如雀處火而散  
焰 鯽如印帶如帶蠶如便面殼蟹殼如笠  
海扇如扇比目如鞵底烏鰓如算囊章舉如鎖  
管海蝶蛸如通草 野曰獸家曰畜野曰鴈家  
曰鷺野曰鳧家曰鷺聚蟲於器食衆蟲而獨存  
者曰蠱養鳥作媒誘諸鳥而就獲者曰四馬

曰園牛曰牧豕之寢曰櫓鷄之栖曰櫟兔之息  
曰窟鹿之息曰塲木曰巢穴曰窠陸曰棲水曰  
宿出谷曰遷在桑曰降獨曰止衆曰集高飛曰  
翔布翼不動曰翔 牛曰班特處士猪曰長喙  
參軍羊曰鬚髯主薄鷄曰長鳴都尉鸞曰兀地  
從使蟹曰橫行介士鮫曰河伯健兒燕曰天女  
鵲曰神女蚓曰歌女螟蛉曰戎女蜚曰香娘子  
鷓曰巧婦蛾曰射工烏曰哺公鷓曰飛奴鷓曰  
翠奴鷓曰功曹龜曰長史雀曰佳賓於菟曰山

君蟋蟀曰王孫蠶蠶曰社公蝦蟇曰田父鳶曰  
風伯雝鷄曰雪姑蚋蚊曰黍民蝻壤曰圻父鴛  
曰鵝母蠨蛸曰喜子鶯曰金衣公子蜻蛉曰赤  
矢丈人鸛鶴曰八哥烏鵲曰海若白事小吏山  
中辰日稱雨師者龍也山中申日稱人君者猴  
也山中未日稱赤吏者麀也山中卯日稱丈人  
者兔也蟲寓屋壁者曰守宮烏在川澤者曰澤  
虞或名虎為李父或呼鴛為郭公蟲或名為主  
簿魚或名為秦皇杜伯蠹以尾而螫人縊女蜺

懸絲而自斃鳥應泰山役者或名曰催工雀自  
塞北來者或名曰突厥 螻銜翅入耳蛭蝨蟻  
入肉短狐含沙射影則瘡疥蝮道溺中影則疾  
巖鼠口甘所齧不痛鴉鳥聲惡所鳴不祥馬獲  
人而笑狐見人而慙兎頭舉石以摘人墮羿銜  
矢而返射雉能直眼而惡人之橫目孔雀文尾  
而妬人之美衣天門山之封蟒以氣而喻人先  
捉山之鈎蛇以尾而鈎人蜀山之攫掠婦人而  
結室西方之獬要路人而求合 龍珠在頷鮫

珠在皮蛇珠在口鼈珠在足魚珠在眼蚌珠在腹孕環之兔懷於左腋文毛間色百五十年轉腦而隱形懷珠之蛇喜投暗見人張口而吐氣如盧鹿戴玉而角斑魚懷珠而鱗紫通天之角戴於犀首明月之珠出於鯨目鵲啄搃實而結玉於腦麝啖柏葉而結香於臍燕識寶而羣鵲龍取珠而擎螭嗽金如雀而吐金藏珠如鳳而吐珠易定之水馬吐珠劉張之苑羊吐珠蛇報隋侯銜珠而照乘龍鬪武寧墜珠而如輪牝馬

產石於咸陽大如升而有綠毛白龍吐黃金於汾州廣有尺而長五寸 虎豹之文來射援狔之捷來措也蒼鷹鷂而受緹鷓鴣慧而入籠驚以其采斃整以其味斃象以齒而焚龜以甲而灼狐以白而田鷓以翠而畢 螺飾器鮫飾刀屨飾牆鷓飾冠華蟲飾衮兕皮制鎧鸞尾注于狼牙挂式置鼉皮冒鼓明瓦透光鳧羽爲旌鷺翰爲縷鴻鴈之羽爲儀鷓鴣之高雲刀獮糞爲兵可以切玉龜背得火可以燃鐵鷓羽製扇以辟蚊鷓羽

爲裘以辟寒冬取毛於狐類而裘成夏取毛於  
駝類而褐成鷓羽可以爲箭隴踈角可錯石鶴  
糞化石鶴石歸酒蜈蚣之脊骨可爲硯海魚之  
腮毛可織屏風鷄子可作琥珀文具可充貨泉  
火鼠之毛三寸爲布而火浣不焚冰蠶之絲五  
色爲衣而入水不濡豹齒至堅可假佛牙以誑  
俗羚羊多感可碎金剛以破幻倭蚌之淚作畫  
畫隱而夜見鳥鱗之墨偽券暫存而久滅蠶脂  
和蠟爲燭其煙上成樓臺之狀香聞百步夔皮

冒鼓而擊以雷獸之骨聲聞五百里 鹿膠青  
白馬膠赤白牛膠火赤鼠膠黑犀膠黃魚膠餌  
麟趾鳳觜煎膠續絃竒自見善苑名之懈百足  
四教其爲膠也擬之鸞 獅子糞爲蘇合香服  
翼糞爲夜明砂蘇方木自然蟲糞爲紫粉號寒  
蟲糞爲五靈芝 人氣粉犀戎鹽累卵翡翠屑  
金鵝血昏金雉糞枯銀蟾肪合玉鵲腦化石獾  
溺消鐵懈性解漆獺膽分卮鰻骨之煙燻蚊蚋  
爲水竹鷄之聲化白蟻爲水雉黃去蛇水銀去



虱犀角駭鷄脰臍海狗駭犬生玳瑁甲辟蠱  
毒取而熬毛辟水毒猴皮辟馬疫塵尾辟塵蠹  
而留紅犀角辟寒暑而解鴿秦人懸蠟以辟瘡  
南人帶螺龜之尾以辟蛇 龍骨着古而粘蚘  
膽浮水而走魚鼈螺蜺治濕氣而生於水麝香  
羚羊治石毒而生於山虎鬚治齒疳皮治胃狸  
頭愈鼠鷄頭已癩蟲散積血斲木愈齒齒鼈網落  
贅疣鷲鷲肉諧反目懶爪去魚哽飛生爪治產  
難鶯肉爲羹可以去妬鼈網縫頰可辟健忘蝘

蜣影目而出塵沙鼠膽滴耳而愈聾疾紙鳶洩  
小兒之內熱鴿粉明童子之疳目鴉鳩之骨佩  
之宜夫婦伯勞所踏枝鞭小兒令速語鴉羽瀝  
酒飲之死蛇影侵卮見之疑食鼠淚所滴之物  
生黃疾踏鷄子所遺之殼生白癩 鴉灸食之  
珍也熊白味之美也瓦屋螭房海物惟錯駝鞍  
鼈裙肉食惟嘉麀鹿無竄道家所食河豚有毒  
子張死又眼 酸人油齋人 吳儂所珍視肉如牛肝而兩目食  
之旋生珠鼈如肺而六足食之已癘 擗罽盜

鵲噪客鴉鳴異螿識喜蛇吼不祥梟鳴必死信  
鳥兆喜鸞鳥知來鷄盜啼而有赦乙丙猫洗面  
過耳而勝客至 吏墨起蝗國淫起蜚政猛  
於虎賦毒於蛇蒼鷹以况酷吏青蠅以刺讒人  
君側有讒反舌過時而發口天下將亂杜鵑得  
氣而先鳴豐年多魚蝗子化而致稔衰世無鳳  
羽孽肖而兆災鷓鴣旱疫之感發明喪之感合  
窳之獸見而其沴為水如嬰兒食人見則天下  
太潔鈞之鳥見而其厲為疫如兔而鼠尾善登

狝徐之獸見而其災為蝗如燕人則其鳴自呼

見則益條蠖條之蟲見而其青為旱狀如黃蛇

望為敗有光見則欽鴉之鳥見而其禊為兵狀如鴉

其色大音如晨鴉見則有大兵後移即之獸如秋目喙皆赤

穴畢方之鳥見章義之山有鳥如鸛一足而

其妖為火先穰而見魚曰鯨鯨首赤喙味甘敢食

之已往見獸曰狡如大豹文角曰當庚有牙先

水而見蟲曰化蛇人面豺聲鳥翼蛇行其鳥曰

胜姓遇如翟而獸曰軫軫為自呼見則天下大水

曰長右

長古之山有獸如禺而曰夫諸如白鹿

魚曰羸

如魚身音先旱而見蟲曰鳴蛇蛇四翼音

如磬見則曰大蛇音赤首白身曰肥遺之蛇大華

其邑大旱見鳥曰蜚而鼠毛曰鴉而面犬尾

出六足四翼見鳥曰蜚而鼠毛曰鴉而面犬尾

曰鷓如鷓赤足直喙曰徹徹翼音如鴉而有魚

曰薄音如嘔一日曰鱒鱒如雞山之黑水出如鳥曰

鷓如鷓赤足直喙曰徹徹翼音如鴉而有魚

曰鳧如鹿臺之山鳥狀如雉鷓而獸曰梁渠狸

虎首曰朱厭見則有大兵

曰狙如鼠音即蛆如蠟音蠟曰狝狼如狐長耳白先瘦而見

鳥曰跂企踵如鷄一足尾獸曰狝如丹赤曰

蜚見上地尾見先恐而見蟲曰酸與如蛇四翼

則其色有乎見先風而見獸曰聞麟如黃身白

天下曰羸如黃身白尾見則

首國多狡客則彼彼之獸見如馬羊目牛尾

有大豨則猾懷之獸見如光之山獸如人面

國多土功則鷲鳩之鳥如鷲考人足狸力之

獸見如山之獸如犬犬大聲光如雷電所下有

兵鯨魚出入有光焰所見則擘鉤鶴之鳥所入  
城空鷺鷥之鳥所集國亡委蛇澤鬼也見之者  
霸崇山之蟲吉鳥也乘之者壽乘黃如狐白身  
而被髮乘之二千歲吉量文馬皜身而朱鬣乘  
之三千歲王者有明德而天下平世樂之鳥  
至有孝德于幽遠比翼之鳥至鰥寡無棄比肩  
之獸至三才得所三角之獸至王道成則駒虞  
至獄訟平則解廌至能用人則龍馬至能致太  
平則黑狐至道純而白鹿至德盛而赤兔至貴

人賤馬而白馬失鬣集德及幽隱而雙魚白澤  
臻妾媵有制白燕巢政惠不苛白虎仁刑罰得  
中銀鑿馴鍾律和調五羊見德至鳥獸白鳥下  
好生惡殺則烏鵲之巢可俯而窺不澆池而漁  
德達深淵則黃龍應氣而游池沼割胎殺夭則  
麒麟不至摘巢毀卵則鳳皇不翔 貪虐取民  
國多蝨廢正作淫國多麋政有苛暴則虎狼食  
人司盜廢職則猫鼠同處任邪不聰豕八足政  
在私門馬二首四方兵起獸四角武形有缺猛



獸兩足賊人位貴鼠巢木賊臣柄國燕生爵專  
征劫殺烏鵲闖國有兵革犬豕交避退有德水  
鳥集衆逆同志則河魚逆上方伯分威則牡馬  
生子上亡天子諸侯相伐則馬生人遠雅頌近  
倡優則雉鷄五足興徃役奪民時則耕牛五足  
鳴不始鳴號令壅偏鷩不降桑政教不行鵠  
不始巢國不平鴈不北鄉民不成鴻鴈不來遠  
人叛蚯蚓不出雙奪后牝鷄惟鳴主不榮蟾黷  
去月天下亂鳥如畜形有大兵馬生角而天子

親兵犢二首而海內分土虎鬪死而守臣災鼠  
夜去而邑有兵野鳥入室而主人亡野獸入第  
而國君廢雉鷄化雌公室卑而私室尊巨魚數  
見邪人進而賢人踈烏變爲鵲民從賊之象鵲  
變爲烏賊復爲民之象黃龍負舟而禹色不  
變黑龍負舟而宋文勃興劉裕微時行止常有  
二小龍翼之及貴而龍形更大陳武討侯景龍  
見水濱高五丈而三軍聚觀魏爲晉制蘭陵之  
龍屢見於井中宋以道神茅山之龍或騰于幡

上黃龍見譙單颺知其國後當有王者興其魏  
文之禪乎二龍升自南城故老知復有建康求  
亂其梁陳之際乎黃山有死龍莽誅而漢興野  
王山有死龍獻廢而魏代齊稱木德伐枯桑而  
得死黃龍于孔中其武成之亡也周色尚黑黑  
龍墜於亳州而死其周武之殞乎 牝鷄爲雄  
而不鳴不將無距者漢元妃將立爲后貴始萌  
而尊未成也北鷄爲雄而冠距鳴將者后父王  
禁爲成帝爲太子而尊已成也雄鷄有角者

明視作威自王鳳始也牝鷄爲雄不冠不將者  
晉三后並以人臣終之象也牝鷄爲雄八十日  
而冠姜者桓玄篡晉八十日而敗也 馬三足  
者董賢不勝乎司馬也馬生角者新莽之成於  
司馬也牛二首者晉東而天下爲二也牛一足  
三尾者王敦亂政之妖也五鳳紀元五侯潛漢  
之始二龍見片二胡篡晉之萌雄鷄生角知時  
者死京房自以巳當之小雀生鷹賊臣在國其  
司馬懿之將 梁瓠編辯銜戎將之首的盧脫

檀溪之厄黃耳繫吳洛之書群燕填丁姬之壙  
烏龍欲噬張然之奴鸚鵡告揚崇之賊符堅急  
難馬垂繩而出井郝經拘宋鴈繫書以通元鵠  
窺獄門報景逸詔赦之下龜浮邾水濟毛寶孤  
軍之沉天寶馴象努曰祿山之使舞胎宗弄猴  
奮擊朱溫之篡唐乾犬噬狄靈慶以報袁粲之  
孤群蟻穴獄地以脫董昭之之繫龍識帝真朝  
藝祖於江亭之戰虎知正氣乘卓敬於晦冥之  
歸觀燁馬或負賊而返陳鶴或銜珠而酬思熊

母負人而出坎秦吉了戀漢而背胡犬濡水濕  
草以斷醉主之火路鼈銜藻繞體以解廚婢之

熱疾

天下之大獸五曰脂

牛羊

膏

豕

膚

鹿

羆

虎

豹

爲獸之屬

毛羽

三物曰

豨

犬

鷄

四靈曰

麟

鳳

龜

龍

五牲曰

麋鹿麇狼兔六畜曰馬牛羊

鷄犬豕六獸曰麋鹿狼麇野豕兔六禽曰羔豚

犢麇雉鴈六摯曰羔

幼

鴈

大

雉

士

鶩

人

鷄

高

龍生九子蒲牢好鳴

是鐘紐之獸

囚

牛

好音

樂器

蚩

吻

好吞

之獸

蚩吻好吞

殿

朝

風

好險

之獸

睚

眦

好殺

之獸

星

星

星

星

星

負負顯好文

碑旁

佳行好訟

伏門

後貌好坐

佛座

霸下好負重

碑座

又曰

凡猶好險崖前歌巖後餐好水橋下歌坊好情門前歌惠章好

因鐵門歌坊好性刀頭

辟疾食之種

聲念特氣間之

歌清空顯下層顯虫功 同 咄有辟疾食之種 戰栗眼此夜烟

烟直射氣見之伏不能動即威風動去去故曰辟縮身九書如猶鹿常

無脫遺故曰疾空容容康饒口飽腹食臥呼呼念誦與氣相忘故曰食

古蝨有木蜚鹿之種 蛭有石草泥之種 蜻蛉有青

赤黃之種 鷄有蜀魯荆越之種 蛇有水草土木

之種 螿有黃白赤黑之種 蜂有蜜王蒲盧之種

繭有擣棘藥蕭之種 螺有溪海田池之種 鳩之

種 五曰鷄 鷓鴣 鳩 雉 羊之種 五曰羴 麀 獬 羴 驢





獸其一也鴉有三其二禽也蜃有二一似螭一似蚌也後猓有二一獅子一龍子也豺有二一胡犬一食虎豹者縹蛸有二烏賊之骨曰海螵蛸螳螂之子曰桑螵蛸類有二一置爰之獸如狸而有髮名曰師類一則帶之鳥如烏而五采名曰奇類鵠有三一鴻鵠一鴉鵠即玄鵠一鳳多白色也鶉有二一鶉鶉一赤鳳之名也鵩有二一獨足之獸一蜀山之牛重數千斤者鶉鶉有三一羽可爲裘一西方似鳳者一唐侯之馬

名也鱈有二一身聚小魚一海鱈大魚也麋有  
二一鹿子一獸子初生皆曰麋也犛有二一黃  
牛黑脊一則牛七尺爲犛也鬼車有二一鴝  
一則胡蝶之名也鯢有二一魚子之名一則化  
鵬者肥遺有二一蛇一鳥也鶡鶩有二一如鳥  
三首六尾一如鳥五米赤文也龍有二一如鼠  
毛蒼而在樹一鼠身馬蹄一歲而千斤者魚虎  
有二一水禽食魚一海魚有變爲虎者熊有二  
一如麋川在尾上與如熊者別也羆有二一浮

玉之山獸狀如虎自別於家羸也鴟有二一三  
危之山鳥狀如鸛自別於鴟梟也旦有二一獸  
名鴟旦一鳥名鴟旦也蜚有二一負螯一如牛  
者蜀有二一葵蟲一鷄大者曰蜀也特有三一  
豕生一曰特又一歲為特又一牲亦曰特也蚤  
有二一蚤蚤駮虛一秦人謂蟬蛻曰蚤也蟹有  
二一比肩之獸一井中蟲也禹有二一猛獸一  
山神獸形也蛤有四一雀入大水化為者一螭  
屬一鼃屬一蛤蚧蚺蚺似豸有二三豕生三為豸

又一歲曰縱也鵠有三一大鳥一翠鳥一赤足  
黃文者鷓有二一鷓鴣一鷓鴣也鷓有二一鳥  
似鴈而大無後趾一馬驪白雜文之名蠶有二  
一蟾蜍一如蠶一頭數尾長二三尺可食者貳  
有二一豕二歲曰貳又妻豬牝豕亦曰貳也蚣  
有二一蜈蚣一蚣蟻也攫有二一猴攫一如鹿  
而四角者角端有二一狀類豕角在鼻上中作  
弓今鮮卑或射然多其一齒身而馬尾獨角而綠  
文能曉四方語聖人在上明達方外幽遠始奉

書而至 陽溝巨鶴古之名雞韓盧宋鵠古之  
良犬魯井剖土肝之羊爾慎來貫矢之隼羴羊  
土怪獲於桓井爰居海鳥祀於魯門文翰若綵  
鷄周成時來於巴人之貢雜縣鳥如馬駒漢元  
時見於瑯琊之邑 穆王八駿曰絕地翻羽奔  
霄越影踰輝超光騰霧狹翼秦始皇七馬曰追  
風白兔躡景追電飛翾銅爵晨鳧漢文帝九逸  
曰浮雲赤電絕群逸驃紫燕綠離驄龍子麟駒  
絕塵 朽葦爲葢 拱敗葉爲蝶腐草爲螢腐菌

爲蜂朽瓜爲魚稷米爲鯽芹根爲鮓鳥足之根  
爲蟻螯蟻螯爲腹育腹育爲蟬螿爲蛹蛹爲蛾  
老踰爲後援爲獲伯勞爲鶯鶯爲鴛鴦爲鸛鸛  
爲布穀布穀復爲鷄鯢爲鵞馬爲龍唐玄鱈爲  
虎雉爲蜃雀燕爲蛤魚卵爲蝨蜈蚣爲蝶子子蝮  
爲蚊火蠶爲熊鼠負爲蠟水蛭爲蠅精老鴉爲  
鷓鴣石首爲冠冕蝦蟇爲鵝鶉黃魚爲鸚鵡紺蝶  
爲青蝦胡蝶爲駒駝駝爲乾餘骨乾餘骨  
之法爲斯彌斯彌爲食醢頤輅食醢頤輅爲黃

輓黃輓為九猷九猷為督齒督齒為腐蠶泡魚

為豪豕公蝮蛇為鱧老服翼為陸汝魚之斑

者為鹿犬為狼晉太彭康時螳螂羽鱗為鼠興宋紹特鷹為

鷲唐中和四年鯨為黃熊漢司君為龍

望帝為杜宇伯奇為伯勞牛哀為虎左火俱變

為戴文為牛鼓為鴝烏欽鴟為大鵝齊女為蟬

東郭姜為蜺樂浪尉為魚懶婦為奔鯨浮竊肉

為淘河雷公採藥吏為斲木齊曹氏之子為蟻

螯韓朋夫婦之鬼為鴛鴦宋士宗之母為螿狐

稱阿紫淫婦紫紫之化也呼鷄曰朱朱朱氏翁  
化爲之女娃溺死化爲精衛懷王客死化爲楚  
菟穆王東征君子爲援鶴小人爲沙蟲肝榆之  
尸化爲奢比越祝之祖化爲冶鳥王次仲化爲  
太鳥落翮山中丁令威化鶴來歸華表蜀女化  
蠶掛於桑上黃母化龜管珥尚存甯武之母產  
蛇劉聰之妻產猛獸抱罕老妓產一龍一鷺始  
皇遺筆袋於海上化爲墨魚黥布覆彭醢於江  
中化爲彭胡孫權棄城贈於中流化爲王餘鯁



越王弩弦化爲枳首江淹文籍蠹魚化爲野蘭  
蠹魚食仙字化爲脉望馬鬣食牛血化爲率然  
中天之虎目光落地化爲白石戰亡之處人馬  
積血著地爲燐 狐鬼所來也蝮蝮灶鬼所使  
也于寶記 雁鵠塞耳曰鬼車白脰鳥不祥曰  
鬼雀媪在地食死人腦罔象在地食死人肝鬼  
導虎食人其名曰俵螿螿通人夢自稱曰長卿  
郭索蟬 執德以輸海神鳥鵲填河而渡織女三  
青鳥赤首黑目爲西王母取食一名曰大鷲黎

一名曰少鷲一名曰青鳥三尸蟲處人腹中籍  
記失誤出讒于帝上尸曰彭琚中尸曰彭質下  
尸曰彭矯白龍魚服而困於豫且龜爲清江使  
者而通夢於宋元龍獻昆明之方免胡僧之縮  
水蚤逃呂湖之逼祈靈鏡之彎弓狹徐害人爲  
戴負臣所殺黃帝曰之疏屬之山巫支祈狀類  
獼猴禹命庚申制之鎖之龜山之足蛟逃許遜  
之劍化美少年以惑人蠅纏符堅之筆化黑衣  
童子而報赦白帝子化於澤中斲於漢高之三

尺鳥將軍妖於野廟殲於郭元振之佩刀衆童子搗藥以傳蛇傷劉寄奴叱之而散一小兒自言休留鳥翳趙王倫閉之而亡峽山之緩化爲孫恪之婦閩江之螺化爲謝端之媵神蛇近人擊以笏而妖息道 黑衣後擲瓦射以弧而祟除謝鯤夜宿野亭斲黃衣鹿之一臂張延曉發石龕悟洞玄道之真形緇變女子而乘船呂球射之斃魚變老人而赴供居民射之災豕人立而啼從者曰公子彭生也見物如蒼犬鐵高后

掖卜曰趙王如意爲祟也昌邑王視大熊于宮  
室而左右莫見應璩見白犬於直廬而殺曰無  
之桓玄之鶴穴路逢老人牽青牛而易以所乘  
牛至零陵而牛入於江水李林甫晨起書囊有  
物如鼠躍地而化爲犬雄目張牙視林甫射之  
而沒名成宣 鷓如羊而無口不可 赤獸如馬而無首  
名成宣 螭四足人面而獸身神陸九首人面而  
虎身相柳氏九首人面而虎身九鳳九首人面  
而鳥身開明九首人面而虎身天吳八首十尾

人面而虎身彊良四蹄長肘人身而虎首飛虞  
天上神獸鹿首而龍身希有此論左翼覆東王  
公右翼覆西王母渾敦狀如黃囊赤如丹火六  
足四翼無面目而識歌舞黑青金睛脩尾狀如  
犬狸負黑氣而來雖密室亦至 羽民之國生  
羽卵民之國生卵犬國之人生男爲犬生女爲  
人鮫人織綃而泣珠女子據樹而歐絲蠶之有  
沃之民鳳卵是食蜮民之國射蜮是食君子之  
國其人使虎搏父之國其人操蛇玄股之國衣

魚皮而食鷗雨師之國埤蛇而操龜 鳥獸之  
文春曰摯尾夏曰希革秋曰毛毼冬曰龍毛土  
地之宜山林宜毛川澤宜鱗丘陵宜羽墳衍宜  
介原隰宜羸揚荆宜鳥獸豫兖宜六擾馬牛羊  
青宜鷄狗雍宜牛馬幽宜四擾馬牛冀宜牛羊  
并宜五擾馬牛羊 肆剛用牛赤緹用羊墳壤用  
糜濁澤用鹿越瀉用犴勃壤用狐埴壚用豕輕  
燙用犬八者發 魚禁鯤鮪而獸長麋慶鳥翼殼  
殼蟲舍蜥蝥昆蟲未蟄不以火田鷹隼旣擊始

設罽羅魚不滿尺市不鬻彘不期羊人不食禁  
原蠶者爲室馬禁戈鴉者爲食蝗迎貓迎虎食  
鼠豕以興農取獸取魚因狩獺而制禁三驅之  
禮逆則舍而順則取四校之獵大獸獻而小禽  
私周獵祭獬漢祭羆周廟用羸漢用鼃大無故  
不殺而噉以祭風鷺不入贄而用於祈雨古於  
春始用破獍以祠黃帝漢於午日作臯羹以賜  
百官二者皆獸也春獻王鮪鼈蜃夏獻麋秋獻  
龜魚冬獻狼 葵菹羸醢脾折廡醢蜃蟪醢豚

拍魚醢芹菹兔醢蒹菹藟菹荀菹魚醢牛宜稌  
羊宜黍豕宜稷犬宜粱鴈宜麥魚宜芻豕狼去  
腸狗去腎狸去正脊兔去尻諸狐去首豚去腦  
魚去乙鼈去醜 夷荻掌鳥言貉貆掌獸言庖  
人共牲物鼈人取互物獸醫療獸之病瘍牛人  
收畜之角齒羅氏掌為鳥服不氏擾猛獸冥氏  
為阱獲獸猛獸賦氏以嘉草攻毒蟲穴氏以其  
物攻蟄獸是氏以其物掎猛鳥剪氏以莽草薰  
蠹物蠹氏焚牡鞠去毒龜耿赤友攷氏以蜃灰



洒狸蝨壺涿氏以焚石歐水蟲庭氏以救日月  
之弓矢射天鳥哲簇氏以歲日月星辰之號去  
大巢 易取諸場又取諸龍象取諸象象取諸  
豕尺取諸蠖引取諸蚓觀鷓制拖觀鬻制帆放  
鼃螿而結網法螺蚌而剖戶牛耳聾盟執牛耳  
戒不聽也鷓健鬪虎夫冠鷓示死鬪也射中鷓  
以爲雋博成象而致羸冠蟬以清高表珍冠鷓  
以不衷賈禍爵以名爵節飲之淫兕以爲能眈  
飲之觸豸食虎豹畫於獄門鬻以鬻也食人鑄

於鼎足盡鷓於船以辟水性刻鳩於杖以祝不  
噓斷蛇之劍火於武庫晉武庫火化鳧之鳥出於尚  
方舞絳衣而麋鹿注視忘機心而鷗鳥不飛  
照明鏡而孤鸞自舞感其影也撞洪鍾而野雉  
皆鳴象乎雷也許狙之術朝四而暮三馳馱之  
法負一而勝二游目無全解牛而悟養生觸類  
而長卽兔可以起卦倉頡之音法昉於鳥跡  
右軍之筆法運於鶩頸科斗名篆隼尾名隸蚘  
脚名書蠶尾名草蠻從虫也貊從豸狄從犬羌

從羊牛羊之字以形犬之字如畫燕尾同乎魚  
尾鵬翮文不異鳳文鹿揚土上而成塵犬逐艸  
中而作莽羽白曰習爪子曰孚羊大曰美羔美  
曰羹尤犬子為母候馬為名黃隸名之為黃  
色出江淮之野角  
獸名羊詳也犬叩也龜久也猴候也豺才也狼  
良也能能也馬武也雞佳也燕燕也鵠安也鷺  
木也兔吐也鷗偃也禽擒也獸守也鳳三文成  
字首文曰順德背文曰信義膺文曰仁智魚三  
物成篆魚枕謂之丁魚鴈謂之乙魚尾謂之丁

三豕渡河已亥之訛五馬渡江典午之誣舒鳧  
舒鴈言其舒遲也恙噬蟲食人心蛇它也上古  
草居故相問曰無恙無他也 猛獸不如羣狐  
鷲鳥累百不如一鶚鷹鷂不若鸞鳳之仁燕雀  
安知鴻鵠之志糞食先審乎遠近慕鳴何爲乎  
公私鷄口牛後所爲則異馬矢鷄子所出則同  
羊享<sub>也</sub>也<sub>善</sub>斫之而國士怨<sub>也</sub>譴怒螳搏避之而勇  
士歸鰲蚌相持而兩傷魚人大兇相遇而兩歸  
田父食肉不食馬肝<sub>段</sub>未爲不知味問牛喘而

不問死人是曰知大體 武王嗜鮑魚吳王僚  
嗜魚炙公儀休嗜魚王莽嗜鰻魚 魚齊王肅嗜鮓  
魚羨王右軍嗜鴉炙牛心宋明帝嗜鱸清江鱖齊  
宣王嗜鴨雁陳後主嗜驢肉後魏辛紹先嗜羊  
肝畢卓嗜蠪螯馬周嗜鷄 漢宣帝好鬪雞走  
狗靈帝好乘蹇驢唐元宗好鬪雞僖宗好鬪鷲  
吳孫慮好鬪鴨齊王祐好畜鴨宋高宗好畜鵠  
支道好養名馬曹景宗好逐麀姚元崇好呼鷹  
逐獸趙清獻之一鶴程伯子之盆魚李白宋徽

宗之白鷓王粲張子厚之驢鳴 猗頓以牧牛

以牧羊名張萬歲王毛仲以牧馬名黃直陳君

夫以相馬名留長孺以相疏名榮陽楮氏以相

牛名 古人以惡獸號凶人 如持托窮奇渾以

奇禽狡獸稱名馬 如蒼鳥鷓六駘駟除鷓鄭

人以璞名死鼠兗人以名馬稱鯉魚 產於古今

以赤鯉為赤鯉青鯉為青馬黑鯉漢諱呂后名

改雉曰野鷄唐諱國姓號鯉曰赤鯉公 龍馬

負圖出於河而羲畫立神龜載書出於洛而禹

疇氣女媧斷整足而立四極黃帝聽鳳鳴而制  
六律鳥至而少皞名官麟獲而孔聖修史天馬  
生渥洼水武帝作樂以薦廟黃鸝下太液池昭  
帝作歌以紀祥 羊舌氏族駁馬號國於菟犬  
子以命兒赤鸞鳥傷而紀縣金吾名官爲祥虎  
賁名郎回鶻名夷駮蹄名苑鬻玉鳩鵲名觀翟  
龍飛兔名門駒虞白虎名殿天祿麒麟名閣神  
奎黃龍赤鳥以紀元白雉赤鴈朱鸞以協律  
鸞入夜而歌鳳入朝而舞天勝之也乾象斷舌

則坐歌孔雀拍尾則立舞人勝之也有其角者  
去其齒附之翼者兩其足天制之也穿牛鼻而  
使之耕絡馬首而使之乘人制之也龍虎可馴  
豚魚可感德之乎也猴可使舞蟻可使戰食之  
欬也 騎虎者勢不得下牽羊者縱之使前獻  
禽者拂其首盜牛者鈎其舌蹄人者絆其足藹  
人者蓋其耳 黃帝阪泉之戰虎豹羆熊爲前  
驅鳴犢厲鷩爲旗幟堯使夔典樂而百獸率舞  
鳳皇來儀禹濟巨海而龍螭爲梁劉累秦龍而



中其嗜欲卞莊刺虎而乘其死傷伯樂相馬而  
 出於牝牡驪黃之外梁鴛食虎而達其飢飽喜  
 怒之情祝翁養鷄呼名字而至唐玄宗教舞馬  
 銜盃上壽鯉與鶴仙人之騏驎也琴高乘之於  
 涿水王喬跨之於緱山虎與鱷循吏之所化也  
 劉昆渡之於弘農韓愈徙之於南海陳堯佐命  
 吏而縛噬民之鱷陳祖移牒而斲吞民之蛇  
 成湯解祝鳥之網而天下歸仁無忌罪殺鴟之  
 鷄而烈士嚮義秦惠食蝗而愈疾太宗吞蝗而

生爲劉禹錫嘉話所誤杜預註春秋不知渾敦窮奇槁杌饕餮之爲獸而以已意䟽解註本草者以牡蠣爲有牝牡不知亦牡丹之云爾烏鼠共爲雌雄孔穎達之註禹貢岳正嘗親見之矣蔡仲默以爲誕者不知天下亦有理外之事也燕巢幕上子思諷衛之君臣蠱處禪中阮籍朝世之禮法功人功大帝也知言養虎養鷹也善警張華賦鷦鷯自喻甚小李白賦大鵬寓詞何宏蜂首蛾眉况莊姜之令色蜂目豺聲識

商臣之忍人 紫貝如采一物以釋西伯玄蜂

若壺九歌以招靈均葉公好畫龍見真龍而色

沮况其不紀渚子養鬪鷄如木鷄其德全孫叔

敖埋兩頭蛇恐後人之復見韓昭侯求亡蚤察

左右之不誠張湯撤盜肉之鼠而文過老克黃

霸察攫肉之鳥而治稱神明力句不龜余欺

臧會喜徵於借兆翰音鷄通人語宋宗長進於

玄修 夏后食卵蒼舒去之秦人失鹿劉季倚

之哇穉女蚓井上咽蟻螯之殘夢蝶掄鴉涼梁

知脩魚之樂祖龍既死鮑魚亂臭於沙丘羝乳  
不歸白鴈託音於塞北鬻殺者霸秦放麇者傳  
子釣魚渭水鷹揚兆卜於非熊探虎穴中燕頷  
功成於汗馬東門黃犬莫償坑焚南陽臥龍終  
辨漢賊貼水飛鳶豈知鄉里之款段華亭鶴唳  
何如江東之鱸魚戮虎斬蛟徙義何勇羅雀掘  
鼠守死何忠冠鷄服緞仗仁義而禦侮飯牛扣  
角歌堯舜以興齊視鴈可行漫下楚狂之歌鳳  
喪馬勿逐何辭揚貨之羔豚羔豚不飾賈魯也

至道之功豚肩不掩豆嬰也相齊之儉蔡丘之  
會牲而不軟告朔之禮羊也而存執雉者牛叔  
孫豹其餒矣食槽者馬當塗高其殆諸探鳥獸  
以療飢食熊蹯而緩死屍蟲出戶霸不謀身老  
驥伏櫪志存慕漢狼顧者窺魏龜息者相唐靈  
螭族盾自兆桃園之兵桀犬吠堯竟繹淮陰之  
悔鴻溝既割虎患自遺商山可招鴻飛何慕屠  
狗者啗鴻門之彘肩騎牛者走昆陽之虎豹困  
獸猶闚敵斃而喜可知飛鳥依人臣忠而主不

悟鳥盡兔死失時者悲攀龍附鳳勸進者喜牽  
羊示辱抵憐鄭國之君臣捫蝨談奇誰識三秦  
之豪傑鼠竊狗偷諛詞而脫虎口長頸鳥喙高  
舉不懼鴟夷秤象以船者智放鶴持籠者辯收  
老馬懷舊之仁買死馬致賢之吝螭不遺種謀  
國者卜馬雉時方雖廉俗者異之呼我者應以  
爲馬愛人者必及其鳥屠龍技成彈千金於無  
用畫蛇添足失盃酒於多方刻鵠不成鷺形尚  
類續貂不足狗尾何爲蛟龍得雲雨非池中之

物鷹隼聞風鷙有凌霄之志塞翁之馬禍與福  
之伏乎莊生之鴈鳴不鳴之間也 越裳來庭獻  
黑雉一白雉二穆王南征得白狼四白鹿四明  
主在漢却千里馬者二逐臣在儋<sub>蘇</sub>來五色雀  
者再避蛇當道晉文之啓霸射蛟江水漢武之  
雄才食鳧以糝鄒穆節儉蒸豚以乳王濟奢豪  
車胤囊螢夜讀而光照書籍隋煬聚螢夜放而  
光徧巖谷秦王下朱亥於虎園竇后下轅固於  
豕園莊生之鮒取活於升斗之水陶朱之魚游

息以九島之池白頭翁不解張昭之疑雪衣女  
鱗偏重玉真之愛夫射雉而妻始笑叔射牛  
而兄不聞母假蜂進讒而逐子女當蚊明節而露  
筋殺鹿母而舍鹿子曹叡託以感父得後魚而  
棄前魚龍陽泣以要君夏統奉親拾螻蟻以資  
養阮籍居喪食蒸豚而忘哀牖酒炙車螯唾義  
真之棄禮下筋惜蛤蚧嘉宋宗之謚仁堯斷  
修蛇於洞庭禽封豨於桑林禹驅龍蛇而放之  
道周公驅虎豹犀象而遠之大螻蛄蛄徵軒



轅之瑞赤烏白魚表周武之興象耕鳥耘重華  
德感龍繞麟紱宣聖文徵鸞鷲鳴岐昭舊邦之  
新命胸臆<sub>出</sub>出土符江東之合王非子封而牛馬  
凍死呂后生而野雉皆雉秦以水衰而白蛇斷漢  
以土勝而黃龍見雉雉昂高宗豐昵之妖鼠舞  
門漢昭燕蓋之變牝晨惟索犢白爲祥瘳狗逐  
而華臣奔鴟鴞巢而魯昭出陳倉寶鷄秦穆獲  
之而霸韋山石鵠張顥得之而侯雀生鸛北宋  
康之亡雀銜鱸兆楊震之相野雉螭廟而東漢昌

海鳧出而西晉亂 蛇鬪鄭門而厲公以入龍  
鬪消淵而子產不崇鴝烏鵲鬪於宮中而黑者  
死燕王旦卒伏其辜黑白烏鬪於野外而白者  
死楚王戊自殄其國赤黑蛇鬪而赤者死後齊  
滅而周興黑赤龍鬪而黑者死後周亡而隋禪牛  
鬪於陽武赤者勝而黑者傷楊堅之篡也龍鬪  
於黎州白者走而黑者隨臺城之難乎 一 秋鼃  
與蝦蟆鬪漢武有南越之師黃螳與白螳鬪東  
魏有宇文之逼牛足出背上應梁孝之亡羊鬪

墮雲中啓楊勇之弑蟲成文曰病已立孝宣嗣  
漢之符蟲作聲曰韓尸韓謚夷族之讖天狗下  
梁而吳楚攻梁犬生角於齊而三國圍齊魚集  
武庫屋上魏兵棄甲於東閔龍乳長安人家孫  
皓銜璧於西晉鵲鵠集池魏文下刺曹之詔一  
足盡城叔寶成獨行之占鷄非惡聲祖逖聞之  
而起舞騅兮不利項羽感之而悲歌反舌入殿  
江充爲讒野狐升座宋徽亡國鼠齧馬鞍倉舒  
深憂其見殺鵬止座隅賈誼偏傷於短齡牛糞

金而蠶鳧失國鹿銜花而聚鹿獲唐商運啟而  
白狼遊䟽勒庭而幫狃至蛇妖見屐不厭梁武  
之錢龍龜首示雙徒佞蔡京之罔象鶴清禽也  
衛懿乘軒而失國鷄鬪玩也邱伯金距而亡家  
魚腹帛書陳涉以王牛腹帛書樂大以誅遼索  
海青而徵樂於女直宋鬪蟋蟀而玩寇於胡元  
黃帝南巡而白澤能言文王西怙而駒虞不  
殺漢宣幸河東而神魚舞唐昭幸岐陽而神鴉  
集兩鹿隨車鄭弘太尉之應鸛鶴立灘牛僧孺

中臺之徵飛蟬集冠朱舛蟬珥之拜飛蜂集衡  
曹萌逢起之誅 戴綠焚其巢而漢成絕雀鬪  
斷頭而靈帝殂禿鷲集而魏國喪鵠鷓鳴而侯  
景敗九頭歇止而蕭琮廢萬春聚而周師入鵠  
巢帆檣而孫和死雉集相風而海西廢鵠巢砲  
機而堯君素敗烏鵲巢帳而揚廣弒桓玄封楚  
而大使其拜席侯景受錫而鳥集其冊書鴉聲  
與琴聲相和宣和有青城之難鴛鴦聲與戰聲  
相亂陝府有失守之虞豕冠進賢而劉聰死禽

止朝冠而汪伯彥貶犬冠憤絳衣登於臺而公  
孫淵以亡鼠冠憤皁衣語於庭而周南不死魏  
元忠之後執火不忌則不恠諸葛恪之犬銜衣  
不出則不誅梟鳴牙中張重華之尅敵烏集庭  
樹柳仲郢之遷官 師曠鼓琴而玄鶴來下瓠  
巴鼓瑟而游魚出聽魯僖公思無邪有馬斯徂  
百里奚爵祿不入於心飯牛而祀魯恭爲政而  
蝗不入境黃霸治郡而神雀來翔廬墓而馴白  
兕者蔡邕居喪而巢白鳩者涂憲王介甫託音

於鬼車同聲相應尹吉甫動心於伯勞同氣相  
求射訓狐宥蝮蛇韓柳之趨亦異兼猛獸脯神  
龍周程之治同歸山龍五色如斯韓賢斷手  
指以祭蝗君子之過於愛也姚岳貢死蝗以爲  
瑞小人之過於忍也 騶虞見壁山而二鹿隨  
之蜀王建五色大鳥見新城而衆鳥隨之漢靈  
麟見龍州一鹿引之而羣鹿隨之唐元和吉祥  
鳥見代州四黃鳥導之四鵲食之六祥符白燕集  
於盛樂舊都而玄鳥隨之以千數元祐鳳皇

集於梁州楓樹而衆鳥列侍以萬數周元帝大和元年

宋州有異鳥色青類鳩鵲羣鳥翼衛和元年啄梁哺

之唐貞元十四年鳳凰將九雛見于豐城而羣鳥隨之

晉穆鳳凰集于陳州衆鳥數萬前後翊從行列

整齊色列為羣唐長壽三年鳳皇集于清遠縣之合

權樹高六尺衆鳥隨之而東北去宋端拱元年白州

有三鳳自南來入城中羣禽周繞身長九尺冠

如金杯宋景德元年衆鳥性見非常斑駁好聚觀之

至於小爵希見鳥不者覩見猶聚武功獲大鳥狐



首肉翅毛赤如蝙蝠四足有爪長四尺餘居鳥

隨而噪之唐大曆八年陝州有雉二首向背而連頸

羣雉數百來鬪殺之唐光啓元年羣鳥銜木爲城於

魏淄之境高三尺方十里唐貞元四年羣鳥噉柴爲

城於滕縣中有白鳥一碧鳥一唐貞元十八年兩鳥銜

鵲墮于東館孫權使相朱據燈鵲以祭二大鳥

高丈餘皜身朱足見于大頓隋煬命工圖形立

銘頌焉洛陽地陷而二鷲出蒼者飛而白者

止晉懷帝潞縣掘地而二犬出雌者死而雄者活

晉元時

濟源水碾之柱中有鮎魚長尺餘唐如淮

陽女垣之下中有鯉魚長七尺

唐時

魚或蒸蚘

游於江西之溪澗

唐德宗

龍或捧嬰戲於熙州之

樂塘

金唐八年

蛇蜈蟆鬪於朝堂蛇長踰丈而蝦蟇

如盤

先天二年

玄武見於雒州龜大如錢而蛇若朱

漆筋

宣和四年

舒州之甘蟲人面綠毛緝瓜甬其

聲曰甘

宋真宗時

吳越之大鳥四目三足其聲曰羅

平

唐懿宗時

羣鳥鳴於陳後主之蔣山曰柰何羣鳥

鳴於劉豫之內庭曰休也張林之犬人言曰天

下人餓死晉張騁之牛人言曰天下亂乘我

何之時晉惠死牛頭言于幽州晉武鷄言于陳州

宋高二豕言于渭南之民舍避歲水北之炊家

宋時感赤龍之精而孕堯吞玄鳥之卵而誕

契鳥翼后稷虎乳子文玄龜感女而生褒姒鵠

倉銜卵而生偃王南詔生於龍南鱗生於槃瓠

突厥狼生之鳥孫狼乳之伏羲人首而蛇身

神農人身而牛首文燭共工皆蛇身也伯禹勾

踐皆鳥喙也漢高醉卧酒家其上常有龍恠隋

文幼在母懷忽見其鱗角杜預醉卧郡齋而嘔  
小吏窺見大蛇垂頭于床蔡君謨卧病夢憑鼓  
而睡譙卒夜見大蛇蓋于鼓上周詢醉而假寐  
園吏見大蛇垂于欄插祿山醉卧化爲異猪而  
龍首韓世忠宿直梁夫人見一黑虎蹲踞揚大  
年初生遍身羽毛宛然一鶴岳武穆生有大鳥  
飛入于室因名曰飛射牛以不中爲奇鷲鴈  
以鳴弦而落楚子射虎於石一發而飲羽紀昌  
視蝨如輪百步而貫心任公釣鰲一掣而連六

長孫晟射鵰一發而貫雙秦政雄姿射大魚於  
海水越王老手釣白龍於臺江養由基矯矢先  
號抱樹之後桓榮祖探丸生取穿雲之鵠 鳥  
起者伏鳥集者虛嵒盤陳師或與尸蜂螭繞  
軍戎伏于莽司馬兵機布於魚麗田單制勝突  
以火牛幕上有烏知楚師之遁井上有鳩脫沛  
公之厄蒙馬皐皮胥臣啓霸懸哨家鶴覆霄運  
奇齊桓伐戎取道於老馬江道伐羌繫火於家  
鷄聞風鶴聲禡敗秦之士氣驚駭鴨池混囊祭

之軍聲 蚍蚍仆柱蚊蟲失牛鐵以蠹毀水以  
蛸敗樹以蝎枯稼以蠟殛人斃於蠱國殄於蠹  
河潰於蟻孔山崩於猿穴以能謹微 城狐不  
燠社鼯不灌狐假虎威而走百獸蠹附驥尾而  
致千里投鼠忌器君側之惡難除指鹿為馬履  
霜之漸可辨高德儒指野鳥而為鸞鳥秦檜進  
青魚以亂子魚雉頭焚侈終羊車以導淫匿鷄  
懷中嘗縱鷓於野外龍有逆鱗而懷讜者披之  
虎有威鬚而獻諛者捋馬立仗馬設壅蔽之端

殿上虎倡彈劾之勇楚莊好畋而樊姬不食禽獸之肉釋之妨賢而漢文不拜禽獸之對一姬死復一姬進邳都不援野蕪之入廁猛獸得人而止馮倖仔所以獨勇於當熊犬捕鼠爲大官不言而小官言之刺蚤負山爲智小謀大力小任重之譏不獵猛獸而獵田鼠誼流涕而建策豺狼當道安問狐狸網抗直而埋輪外作禽荒五子興歌矢魚于棠僖伯以諫召公誥旅獒當慎德於四夷唐儉對射豕豈快心於一獸潘潛

諫射雉而孫權爲之撤翳辛毗諫射雉而魏文  
爲之稀出密表求鷹爲太宗嘉忠立李亮諫牧官  
豕盧杞徼寵於德宗諫進海蚶淡菜詞甚中正  
孔戣物色於憲宗請貢魚鼈蝦蚱謂爲獻替虞  
肅父貽哂於晉武魚頭叅政魯宗道骨鯁之褒  
爲鳴朝陽李善感曠時之疏貢馬違敕膽落於  
溫御史養狗備虞號醜於宋 蔣羅江拒氏一驄  
行行且止臺中三狗唯柴作蛆馬瘦而行步工  
貴戚爲之斂手解廡未嘗識字胡雛敢爾憑威



畜犬所以防奸不以無奸而畜不吠之犬養貓所以捕鼠不以無鼠而養不捕之貓 物食長喙穀食短喙搏則利嘴鳴則引吭山禽尾長喙銳而善喙水禽尾短喙圓而善喙長脚者多立短脚者多伏尾近脚者好步脚近臆者好躡陽鳥之飛頭伸而足縮陰鳥之飛頭縮而足伸飛而起則仰左翼飛而下則仰右翼左顧則怒作右盼則喜生食之已久復出嚼之牛曰齧羊曰齧鹿曰齧鳥曰喙寓鼠類曰噉氣傲體能所

須獸曰鱣魚曰須鳥曰臭絕有力者馬曰駭牛  
曰獬豸加狗曰狔豕曰狔熊虎曰麋麋麋曰狄  
鹿曰麋麋麋曰狔狼曰迅兔曰欣魚曰徽獸  
二爲友貝二爲朋魚多爲豐鳥多爲寇佳者鳥  
之短尾奮者禽之有力小而鷙者皆曰隼大而  
鷙者皆曰鳩蟲之有翼者或亦謂之鳥獸之未  
成者或亦謂之狗有尾謂之蟲無尾謂之豸飛  
曰雉雌走曰牝牡對言之也詩云雉狐綏綏走  
亦曰雉書云牝鷄無尾飛亦曰牝矣二足而羽

謂之禽四足而毛謂之獸對言之也凡鳥獸未  
孕曰禽通言之也易云即鹿無虞以從禽也鹿  
亦可以言禽禮云鸚鵡能言不離飛鳥猩猩能  
言不離禽獸蓋鳥不可曰獸獸亦可曰禽故鸚  
鵡不曰獸而猩猩則通曰禽也嗚呼胎卵濕化  
窮萬類之生生有無色想盡萬物之情識以言  
乎天地之間則備矣